

La cartolina militèra e sie leam co la jent

Te comun de Ciampedel na mostra de cartolines militères ilustrèdes e en franchigia de la Pruma Gran Vera

L Comun de Ciampedel, con sie Assessorat a la Cultura e Istruzion, l'Istitut Cultural e Museo Ladin de Fascia e l Museo de la Scola alpina de la Guardia de Finanza de Pardac, met en consaputa che via per l meis de aost vegnirà avert al public na mostra de cartolines militères dal titol "Cartolines militères ilustrèdes e en franchigia de la Gran Vera 1914-1918".

La mostra vegnirà metuda fora te sala de consei de la cèsa de comun de Ciampedel dai 8 ai 29 de aost e la vegnirà averta al public da les 16.30 a les 19.00 e da sera da les 20.30 a les 22.00, l'entrèda é debant.

Te n clima de colaborazion reziproca i trei enc promotores tras chesta mostra enten portèr endò l'atenzion su na gran tragedia che ti prumes egn del sécol passà à metù sotessoral mond, portan dolor, meseria e mort. L'é te n contest de chesta sort che se à cernù de creèr na esposizion de cartolines militères.

Tras na panoramica espositiva dalonc dai schemes del colezionism che caraterisea l setor de l'interofilia e de la storia de la posta militèra, se vel meter al luster l'importanza che la

cartolina ilustrèda e en franchigia à abù endèna l conflit soraldut per chel che revèrda la relaziions anter i militères e sia families.

Estrapede, tras chisc reperc storics, se enten sottrissèr l peis storich-culturèl che à abù enlouta la cartolina militèra ilustrèda e coche i paijes en vera i abie durà la capacitèdes artistiches di dessegnadores per sostegnir la propaganda de sia patria.

La mostra vegnirà orida en sabeda ai 8 de aost 2009 da 15.30.

